


明
清
史
料

第二本



明清史料 第二本

中華民國十九年九月

發行

批發處

實售國幣壹元

上海亞爾培路三三一號

國立中央研究院國際出版品交換處

北平北海公園

國立中央研究院歷史語言研究所

代售處

各地商務印書館

北平各書店

代售者

得酌加運費寄費

此書版權由本所保留



96699

明清史料目錄

第二本

一百零一至二百葉

鎮北將軍許定國揭帖

一〇一

宣大山西總督李鑑揭帖

一二四

原任署鎮守山西總兵官王鉞啓

一〇二

鴈門關提督馬國柱揭帖

一二五

陝西總督孟喬芳啓

一〇三

鎮守山東沂州總兵官夏成德塘報

一二六

陝西三邊總督陳之龍揭帖

一〇四

原委戶科給事中史應聘揭帖

一二七

鎮守密鎮總兵官張誠揭帖

一〇五

原任藩鎮淮海招討總兵官東平侯劉澤清

一二八

征西前將軍姜瓖揭帖

一〇六

揭帖

陝西道監察御史趙開心揭帖

一〇七

山東巡撫丁文盛題本

一二九

欽天監湯若望揭帖

一〇八

山東巡撫丁文盛題本

一三〇

鎮守陝西寧夏總兵官劉芳口

一〇九

總督八省軍門佟揭帖

一三一

原任總兵官白廣恩揭帖

一一〇

原任總兵鄭嘉棟揭帖

一三二

山東巡撫方大猷揭帖

一一一

寧夏巡撫焦安民啓本

一三四

兵部揭帖

一一二

定西侯保德州總兵官唐通啓本

一三五

鎮守廬鳳淮揚等處準塔趙福星揭帖

一一三

安廬池太巡撫劉應賓揭帖

一三六

原任淮海藩鎮東平侯劉澤清揭帖

二三

總管提督省城內外巡捕軍務曹存性揭帖

二二

總管提督省城內外巡捕軍務曹存性揭帖

二二

平西王吳三桂揭帖

二一

平西王揭帖

二一

巡按兩淮鹽政李發元揭帖

二一

總兵官賀珍揭帖

二一

整飭紫荆等關僉事武延祚揭帖

二一

平西王吳三桂咨內院文

二一

鎮守浙江總兵官田雄奏本

二一

江南總督內院大學士洪承疇題本

二一

湖廣提督江禹緒揭帖

二一

江寧巡撫十國寶揭帖

二一

安廬池太巡撫劉應寶啓本

二一

河南巡按甯承勳揭帖

二一

湖廣提督江禹緒揭帖

二一

湖廣提督江禹緒揭帖

二一

江南總督內院大學士洪承疇揭帖

二一

湖北巡按馬兆燧揭帖

二一

江南總督內院大學士洪承疇揭帖

二一

鎮守甘肅總兵劉有實揭帖

二一

湖廣巡撫何鳴鑾揭帖

二一

浙江巡撫蕭起元揭帖

二一

河南巡按甯承勳揭帖

二一

浙江巡撫蕭起元揭帖

二一

鄖陽提督潘士良揭帖

二一

兵部揭帖

二一

江西巡撫李翔鳳揭帖

二一

陝西甘肅巡按魏琯揭帖

二一

蘇松巡按趙弘文揭帖

二一

江西巡撫李翔鳳揭帖

一五

欽天監監正湯若望揭帖

一四

江寧巡撫士國寶揭帖

一六

江南總督內院大學士洪承疇揭帖

一五

兵部揭帖

一六

順天巡撫柳寅東揭帖

一六

江南總督內院大學士洪承疇揭帖

一七

陝西巡撫雷興塘報

一七

浙江福建總督張存仁啓本

一八

江寧巡撫士國寶揭帖

一八

安徽巡撫劉應賓揭帖

一九

鎮守江寧總兵柯永盛揭帖

一九

淮陽巡按姜金胤揭帖

二〇

江南總督內院大學士洪承疇揭帖

二〇

安徽巡撫劉應賓揭帖

二一

浙江福建總督張存仁等揭帖

二一

智順王尙可喜揭帖

二二

浙江福建總督張存仁等揭帖

二二

江西巡撫李翔鳳揭帖

二三

寧夏巡撫胡全才揭帖

二三

陝西巡撫雷興啓本

二四

蘇松巡按盧傳揭帖

二四

江南總督內院大學士洪承疇密揭帖

二五

鳳陽巡撫陳之龍揭帖

二五

鎮守江寧總兵柯永盛題本

二六

前任登萊巡撫楊聲遠揭帖

二六

湖廣四川總督羅繡錦揭帖

二七

兩廣總督修養甲揭帖

二七

陝西巡撫雷興啓本

二八

兩廣總督修養甲揭帖

二八

明清史料

第二本

一百零一至二百葉

鎮北將軍許定國揭帖 順治二年三月初六日到

鎮守河南掛鎮北將軍印總兵官太子少師後軍都督府都督職許定國謹揭爲披誠歸順請發大兵廣收封疆事竊惟有救民之功者宜享萬邦之貢前自闖寇攻陷燕京明朝社稷坵墟蒙皇上大發雄師驅闖奔逃拯民水火當此天與人歸之際職已傾心嚮慕不意闖寇黨孽翻山鶴高傑脅爵興平謂職結交北朝統兵計害職亦用計埋伏梟斬高傑並馬步數千一掃無遺今首惡雖已伏誅除黨尙未剿除總兵王之綱等逃守歸德勾連南兵設計於徐州等處渡河將於曹竟濟寧攻城搶掠獻功惟職敬事新命天子義堅金石前有王書諄諄來諭職已遣子參將許爾安許爾吉過河赴投總河楊處爲信一面啟聞肅王白陽王並揭總河楊張兵道朱兵道皆所與聞者也再照河南各府縣官兵俱經職團練兵民人等俱聽職號令茲職固已披誠歸順再請皇上大發雄兵刻日渡河使勾連南兵計侵北朝之王之綱等諸兒可指日就擒鄉紳士民焚香輸服河南封疆一朝底定願我皇上永壽萬年也爲此具揭須至揭者順治二年二月初六日

原任署鎮守山西總兵官王鉞啓

原任署鎮守山西兼提督代州三關總兵官中軍都督府都督僉事臣王鉞謹啓爲臣病已痊謹詣闕叩恩並繳原領關防仰乞聖鑒事竊念臣以么磨武弁叨蒙前朝養歷任大同鎮標新丁左營副總兵祇以狷介性成致遭擯棄奉職始末部案可覈不敢縷陳惟是去年三月初一日賊入大同勢如破竹兼之過天星張天林僞鎮三月四月殘毒非常臣憤不顧身捐資鼓義故於五月初十日掩其不備突入城圍協同恢剿繼而復慮寧武爲三晉巨鎮不急恢復萬一死賊盤踞何以直入晉秦是以始自平魯計圖朔州幸而天心效順所至向風臣蒙總鎮姜瓖卽委臣署南協進取寧武臣以忠義所激枉顧身命衝鋒破壘依路蕩平於是署鎮寧武安諸路之人心掃肘腋之虐焰臣之微勞亦可少見於地方矣臣雖遠在晉疆距京遙遠然一聞叔父攝政王義旅入關臣卽具有表文差官歸順當蒙兵部簡付爲欽奉令旨事職方清吏司案呈奉本部送兵科抄出署鎮守山西三關總兵王鉞賀表歸順等因本年八月二十五日奉令旨據本知山西等處地方及代州三關將吏軍民傾心向化署總兵王鉞忠順可嘉著用心餽養馬匹修理器械整備渡船以俟大兵征進該部知道敬此敬遵抄部送司相應移會案呈到部擬合就行爲此合行牌仰本官敬遵令旨施行敬此敬遵備行到臣當該臣恭謝天恩任事間至九月二十三日接蒙兵部簡文而鎮守已推總兵高勳矣臣已於八月三十日備將鎮守一切兵馬事務交割高勳受任訖臣備文移會高勳修備器械渡船聽候大兵征進臣就應詣闕朝見奉吳恭順檄調剿撫忻州行間誤因馬蹶致傷腰背是以在籍調養今幸少痊詣應入朝仰觀天日之表以申微臣犬馬之心所有臣恢復寧武時獲有鎮守山西總兵官關防一顆相應一併進繳以祈聖鑒者也至於微臣起兵

三閱月破家數千金恢復名城三十餘處正與恩詔事欸相孚應否叙用是在聖主破格之恩非臣愚所敢希望於萬
一聞矣臣無任瞻仰待命之至為此具本謹具啓聞伏候令旨自爲字起至本字止計六百五十四字紙二張右謹啓
順治二年二月二十五日原任署鎮守山西兼提督代州三關總兵官中軍都督府都督僉事臣王鉞

原任署鎮守山西兼提督王鉞啓

陝西總督孟喬芳啓

總督陝西全省軍務統屬文武兼理糧儲刑部右侍郎臣孟喬芳謹啓殿下臣乃一芥庸愚謬叨重任惟晝夜兢兢期無負殿下委托至意也自殿下前征後有甘州靈州河州洮岷涼州西寧等處地方文武官紳士民俱有降表有親來投見者有差官繳印者臣俱已酌量給與筭付訖惟邊外西域喇嘛回子頭目兩起共十八名臣止令四名進京朝覲其餘留在西安等候再有漢中府流賊總兵賀珍黨孟安羅偕郭登先等四員已經投表歸順矣臣令其二人守漢中二人赴西安面議軍機其漢中道府鄉紳士民人等各具表文投降俱言賀珍等殺死李錦戰敗八大王是實且紀律甚嚴民間秋毫無犯以此觀之歸降必矣又四川保寧府州縣亦投降表到臣以郾州知州黃應祥委受四川安綿道以本官原任四川地方熟識鄉紳也有八大王張獻忠僞巡撫吳宇英係故明朝兵科給事中據彼處來人說稱彼有投順之意臣寫書與彼令其說張獻忠投降相機而行前蒙令旨着牛成虎馬元惠應詔隨固山額真前去因康元勳至今未到已行令寧夏撫鎮擇差的當員役伴送西安是以留惠應詔俟元勳到日對口外有總兵鄭加棟差官解送銀二萬兩馬一百匹三二日內可到西安該臣看得秦省八府四鎮三邊俱已投順惟土寇及敗殘餘孽嘯聚山林臣已出示招撫諭之以恩威陳之以利害或亦不難解散也謹此啓聞順治二年三月二十五日

殊批諭李如知道前有諭旨勸爾改過今聞爾仍然設官殺搶如故豈予令旨未到抑令旨已到人言之訛乎今又諭爾如果改過可將爾所樹官盡行回籍其予所委南陽道及州縣各官仍令管事予自當不念舊惡若爾以南陽爲十王地方不宜予委爾獨不思十王係予胞弟豈有爲兩家爾今擅立官長逐殺本府官吏明係不順爾若不順可明白

陝西三邊總督陳之龍揭帖 順治二年四月十七日到

奉委總督陝西三邊陳之龍爲奉王委命暫□料理仰陳辭悃伏乞聖鑒事職係明朝一邊監軍道督兵十營與闖賊戰於河南塚頭塞功已垂□不意糧斷兵潰致令社稷坵墟職等之罪已莫逃於天□□間矣破陝之後職力不支被闖圍獲逼授寧夏僞節度使將職全家羈留職忍情棄家借其兵權以待天時後因職之舊□□學禮歸順天朝有書約職起兵寧夏內應又爲闖賊捉獲書信幸而天兵渡河不暇殺職本年正月十一日奉英王傳牌職即倡率大小文武軍民望風投誠寧夏僞權將軍牛成虎觀望不定職費盡心力脅以兵威始於二月二十四日職引之出城來朝而寧夏大定矣職屢奉英王令旨諭寧夏陳總督知道固原缺官鎮壓爾素著才猷可委爾移駐固原招撫百姓訓練兵丁諭到之日速來赴任特諭又奉英王令旨諭寧□□總督知道前諭爾移駐固原因爾賢能素著陝西一省事倚賴諭到爾赴任四五日親來見予予提兵追剿賊逆大小事體托爾料理不得稽遲特諭職見朝後又奉英王令旨諭總督陳之龍知道爾宜速回固原照舊料理百姓初服急宜多方安撫如遇土寇生發須當象機督剿地方責任爾身爾其用心供職特諭職勉於三月初四日暫時到任料理賊情因慶陽平涼固原王老虎等賊已近二萬有餘千里之內人烟斷絕是以不敢推卸一面極力安輯一面招整兵馬以報皇恩奈職實庸才不堪大用伏乞皇上特簡名賢膺茲重寄職得偷生太平之時願效犬馬之力於來世也爲此除具奏外理合具揭須至揭帖者順治二年三月二十四日

鎮守密鎮總兵官張誠揭帖 順治二年四月二十三日

鎮守密鎮等處地方管理全鎮兵馬事務總兵官張誠爲恭報官兵啓行趨駐日期防剿鄰境土賊事職於四月十五日准撫臣宋權手本爲塘報事四月十二日准兵部咨開據本院報馬家庄鄉民口報及于一鴉稟情啓奉聖旨行該撫卽偵初九日晚繇海子紅門去賊今確往何處卽刻飛報以便星遣擒剿等因備咨到院爲照海子紅門去賊據通道已報過渾河西去而部單又云賊頭劉自什統領前往馬家山招集人馬仍回滄洲會齊逆賊東西結聯嘯聚大爲可虞合行亟剿爲此手本前去煩照來文希卽將海子紅門過河土賊並賊頭劉自什供馬家山招集人馬情繇部發各賊姓名俱密行確偵向往踪跡星馳撲滅今大人東兵現在會剿務絕根株萬勿疎縱其貴鎮所請糧單應照舊例徑向內部請發應用等因到職該職卽統官兵共一千三員名於十五日啓行十六日已抵平谷兼顧懷柔相機防剿務策萬全除具報兵部外一面遣人將部發各賊姓名並賊頭劉自什往馬家山招集人馬有無情繇密確偵探星馳撲滅一面移會昌通密三道嚴行各縣責令各庄鄉長保正凡有素行不端者務令從實舉首正罪庇護不發卽加顯戮庶罪人斯得不致結聯嘯聚矣至於官兵需用糧單仍照舊例呈部請發應用外緣係恭報官兵啓行趨駐日期防剿鄰境土賊事理爲此除具題外理合具揭須至揭者順治二年四月十九日總兵官張誠

征西前將軍姜瓖揭帖 順治二年五月初十日到

征西前將軍鎮守大同等處地方總兵官後軍都督府左都督姜瓖謹揭爲延疆殘破最慘整練需餉甚殷仰祈聖明就近撥發急濟燃眉事職惟延綏一鎮土地遼闊延袤幾二千里俱係高山深澗流賊土寇出沒之鄉素稱疲廢難治邇遭闖逆蹂躪王師征伐凋殘破壞更不可言今職再奉王命招撫茲土非得整練一旅精銳之師恐不足以資彈壓而收成功然練兵必須糧餉方克有濟職自去年五月設處養士並未敢仰叩計部因奉調西征蒙部兌餉七千八百兩差官往領隨准晉撫回文已爲固山携去彼時雲鎮庫藏若洗司餉束手無策王師入境兵行迫期職不得已盡括資囊併脫母妻之簪珥捐湊五千餘金給散安稿並備沿途盤費官兵始得啓行自渡河以來迄今半載所在無糧即經過州縣被闖逆席捲之後無一處不空虛間有些須接濟不過暫充一日二日之用職標見在官兵及駐防榆林馬步尙約千餘非計口授食按月支餉何以收遠戍之心壯敵愾之氣目今延屬郡邑顆粒無儲無米之炊實難措手倘職家有可罄力有可竭肢體髮膚皆爲皇上所有何敢吝惜謬爲呼籲但目擊將士在外有淪風臥雪之苦在內有父母妻子之憂且聞雲鎮存城各兵不時給餉而從征官兵概置不問時已入夏兵士身披羊裘襁褓百結困憊之狀誠可憐憫職恨不能解衣推食救彼饑苦無奈力與心違點金無術伏乞皇上俯念殘疆初平人心未定彈壓需兵整練需餉或於秦晉兩省不拘何項銀內就近撥發二三萬兩一以賑無告之子遺一以甦枵腹之疲卒俾職藉手整頓圖報朝廷斷不敢糜濫以滋悞也仰祈勅部速賜施行緣係延疆殘破最慘整練需餉甚殷仰祈聖明就近撥發急濟燃眉事理除具題外理合具揭須至揭帖者順治二年肆月十六日